



UNIVERSITÄTS-
BIBLIOTHEK
PADERBORN

Universitätsbibliothek Paderborn

Opera Deß H. hocherleuchten Vatters Basilij Magni, Ertzbischoffen zu Cæserea in Cappadocia

Basilius <Caesariensis>

Jngolstatt, 1591

VD16 B 647

Die 175. Frag. Warauß erscheinet vnd befindet es sich/ daß einer nach dem
Gebott deß Herrn/ den Bruder lieben/ oder nicht lieben thut?

urn:nbn:de:hbz:466:1-38656

Basilii

Opera
Germania

deß Creuzes. Wann nun die Seel diesen vnd dergleichen Worten glauben gibe/ auch die herliche Majestät Christi darauf erlerne/ vñ sich ab seiner tiefen Niedertüchtigkeit vnd äuffersten Gehorsam verwunderen/ daß ein solcher mächtiger Herr vñ König/ dem Vatter bis zum Tod für vnser Lebē Gehorsam leyset/ so acht ich/ daß sie schon die Begierlich Lieb/ so wol zu Gott dem Vatter/ der seines eignen Sohns mit verschonet/ sonder denselbigen für vns alle hingegeben hat/ als zu seinem eingebornen Sohn/ der dem Vatter bis zum Tod/ vmb vnser Seligkeit vnd Erlösung willen/ Gehorsam geleyset hat/ empfangen habe. Sie mag auch den Apostel Paulum wolerdulden/ welcher den Gefunden im Glaubē/ ein gut Gewissen/ als das endlich Zihl stecket/ da er spricht: Dann die Lieb Christi tringe vns also/ seytimal wir achte das/ so einer für alle gestorben/ sie alle gestorben seyen/ vñnd er darumb für alle gestorben/ daß die/ so da leben/ inen selbst nit mehr leben/ sonder dem/ der für sie gestorben vnd auferstanden ist. Ein solche Begird vnd Vorbereitung soll der ienig haben/ so das Brod/ vnd den Kelch deß Herrn zu empfangen begeret.

Johan. 3.

2. Cor. 5.

Die 173. Frag. Mögen auch zu der Zeit deß Psalmengesangs/ so anheym geschicht/ andere Gespräch gehalten werden?

Wann sich vnder den Völkern zuschweigen vnd zu reden gebüret? 1. Cor. 14.

Antwort. Wir nichten/ weder allein durch dise/ welchen die Sorg/ vnd das Regiment guter Ordnung/ vnd gebürender Arbeyt befolhen ist/ auch nit anders/ dann wann es die vnermeydlich Notdurfft erfordert: Es soll auch das Gespräch mit rechter Behutsamkeit bestehen/ daneben auch das Ort/ die gemeyne Zucht/ Reuerenz vnd Ehrentbietung betrachtet werde/ damit sich niemand darüber ärgere/ oder stosse. Den andern aber allen/ gebüret zuschweigen: Dann wann zu der Zeit deß Gesprächs/ auch vnd denen/ welchen das Wort zu lehren vertrawet ist/ dise Ordnung besteht/ daß der erst nit reden soll/ wañ einem andern etwas geoffenbart ist. Wie vil mehr wirdt zu der Zeit deß Psalmengesangs/ das stillschweigen vil vonnöthen thun.

Die 174. Frag. Wie soll einer mit herlicher Begird/ vnd geneygtem Willen/ die Gebott deß Herrn vollbringen?

Wen der sünd/ vberkomme die Seel ein Wille/ der willen zu de Geborten Gottes.

Antwort. Die Erfahrnuß nutzlicher vnd liebreicher Ding/ ist dem Menschen von Natur angeborn/ es pflegt auch die Hoffnung der selbigen/ in 8 Seel deß Menschen/ ein sonderer Begird zu erwecken: Demnach/ wañ einer die Vngerechtigkeit als schwerlicher Weis hasset vnd verflucht/ vnd sich von aller Sündreynig/ dar durch gleich wie der Leib von der Krankheit/ den Lust zuessen verleurt/ vñ ab der Speiß ein Unwillen gewint/ also auch die Seel in der Gerechtigkeit Gottes/ saul/ träg vñ fahrlässig wirdt/ darneben für gewis hält/ daß Gottes Gebott das ewig Leben ist/ daß auch alle Verheyßungen denen/ die dem Befehl deß Herrn nachkommen/ gewis vnd warhafft seynd/ so erlangt er die Begird vnd Neyglickeit deß jenen der gesprochen: Die Dacheyl deß Herrn seynd billich vnd recht/ lustbarlicher dann das Gold/ vnd die köstliche Gestein/ auch süßer dan Hönig vnd Hönigwaben. Diese bal tet dein Diener: Vnd wer sie hält/ dem wirdt ein grosse Widergeltung gethan.

Psalm. 38.

Die 175. Frag. Warauß erscheinet vnd befindt es sich/ daß einer nach dem Gebott deß Herrn/ den Bruder lieben/ oder nicht lieben thut?

Esai. 66. Swo fürnömme Eigenschaften der Lieb.

Antwort. Die Lieb hat fürnemlich zwo Eigenschaften: Erstlich ist sie betrubt vnd angefochten/ wañ dem jenen/ den wir lieben/ ein Unfahl zusicht: Nachmals thut sie ab seiner Wolsahrt/ ein herzliche Freud empfangt. Demnach ist der selbig/ so vber den Sünder trawret/ ob welchem ein grewliche Gefährlichkeit schwebet/ vnd sich entgegen vber den fromen erfrewet/ dessen Nutz vnd Gewin vnermesslich groß ist/ wie geschriben steht: Solche bezeugt auch der Apostel Paulus: Wann ein Glid leidet/ so haben alle Glider ein Mit leiden/ (von wegen der Lieb/ so in Christo Jesu ist) vnd wann ein Glid herlich gehalten wirdt/ (nach dem Zihl deß wolgefälligen Willen Gottes) so frewen sich alle Glider mit demselbigen: Wer mit disen Sinn nit begrebet ist/ der verräth sich selber/ daß er seinen Bruder noch nicht lieb hat.

1. Cor. 12.

Die 176. Frag. Wer seyn die Feind/ so wir nach dem Befehl Christi lieben sollen/ gebürt sich dieselben/ allein durch Erzeigung äußerlicher Wohlthat/ oder von Herzen zu lieben? Vnd wie ist solches möglich?

Matth. 5.